



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatio Synoptica De Iudiciis Ad Lib: II. Decretal: Gregorii IX.

Herberstein, Ferdinand von
Tabarelli de Fatis, Donato Vincenzo

Spirens., 1660

1. Qvi dicantur Procuratores, in quo differant dati ad judicialia, à datis ad extrajudicialia? à quibus constitui poßint? qui procuratores dari poßint: an filij sine consensu patris, unus an plures ...

urn:nbn:de:hbz:466:1-11416

ram suam promittit. Redeunte primo, se excusât; quod, cum adversarii partes acturus sit, ei promissam operam præstare nequeat. Ablegat tamen eum ad alterum Procuratorem Compatrem suum, cum hac commendatione: Compater mi, venerunt ad me duo Capones pingues: ego pinguiorem cepi, alterum vobis mitto: plumetur is à parte vestra, & ego plumabo alterum. *Fr. Oliver: Mail-lard: Fer. 1. Dominic: Adventus.* Quæritur, an rejectus Rusticus jure potuisset recusare hunc contra se Procuratorem? *Resolutio petitur ex n. 2.*

1:

INter eos, qui reorum defensiones rectè in se suscipiunt, censentur Procuratores, qui ad judicialia, quandoq; ad extrajudicialia tractanda constituuntur: aut à Domino rei, aut ab alio quocunq; ad se obligandum idoneo. *Gl: in L. Neq. C. de legit: tutor:* sic dicti, quasi pro alio curatores, cuius nomine res & negotia gerunt, utiq;

utiq; ex mandato domini. *L. 1. §. usus. ff. hoc tit.* Uterq; ad unum, vel plura negotia coram, vel in absentia, per epistolam, aut per nuntium rectè constituitur. *L. 1. §. 1. cum §. seq. h. t.* in eo tamen unus ab altero differēs, quod ad extrajudicialia dari possit maior 17. annis: ad lites verò non nisi maior 25. annis, saltem de jure Canonico. *cap. qui generaliter. §. fin: h. t. in 6.* tum propter beneficium restitutionis quod ipsi minori competit, *L. Minor. 25. ff. h. t.* tum quia, cùm non habeat legitimam personam standi in iudicio. *L. 1. & 2. C. ver. qui legit. personam. h. t.* non censetur idoneus ad alienas lites peragendas.

2. Dari possunt quicumque lege certa non prohibiti, modo consentiant. Host: *in sum: h. t. cap: 1. eod: in 6. L. 2. ff. eod: Clem: 1. eod: tit:* imo filii familiars sine consensu patris modo 25. annum excefferint. Insuper unus, duo, pluresvè ad litem instituendam vel persequendam constitui possunt. *cap: si duo in 6. h. t.* ut tamen non seorsim singuli, sed omnes simul agant: præterquam si in solidum dati sint: quo casu præventioni locus est, potiorq; conditio

occu-